

5. mars 1986

195

Nr. 108

AUGLÝSING

um ábyrgðartryggingar ökutækja.

1. gr.

Samkvæmt heimild í 3. málsg. 70. gr. umferðarlaga nr. 40 23. apríl 1968, sbr. lög nr. 65 16. maí 1978, er ákveðið, að váttryggingarfjárhæðir ábyrgðartrygginga ökutækja samkvæmt 1. og 2. málsg. 70. gr. umferðarlaga, sbr. lög nr. 31 22. maí 1980, skuli vera kr. 33 600 000,00 fyrir hvert vélknúið ökutæki, sem flytja má fleiri farþega en tíu, og kr. 16 800 000,00 fyrir önnur ökutæki.

2. gr.

Samkvæmt heimild í 1. málsg. 73. gr. umferðarlaga, sbr. lög nr. 16 30. apríl 1982, er ákveðið, að eigin áhætta þess, sem fébótaábyrgð ber á tjóni samkvæmt 69. gr. umferðarlaga, skuli vera kr. 5 600,00, ef tjónið nemur þeirri fjárhæð, en ella ber hann ábyrgð á tjóninu að fullu.

3. gr.

Ákvæði auglýsingar þessarar gilda frá 8. mars 1986. Jafnframt fellur úr gildi auglýsing nr. 105 22. febrúar 1985 um ábyrgðartryggingar ökutækja.

Dóms- og kirkjumálaráðuneytið, 5. mars 1986.

Jón Helgason.

Ólafur W. Stefánsson.

21. febrúar 1986

Nr. 109

REGLUGERÐ

um breytingu á reglugerð um kjarasamninga starfsmanna sveitar- og sýslufélaga nr. 236 frá 9. júní 1976.

1. gr.

3. gr. reglugerðarinnar orðist svo:

Launanefnd sveitarfélaganna fer með fyrirvar sveitarfélaga að fengnu umboði sveitarstjórna og sýslunefnda að því er varðar gerð aðalkjarasamnings. Að öðrum kosti fer sveitarstjórn eða sýslunefnd með gerð aðalkjarasamnings. Aðalkjarasamningur, sem gerður er af Launanefnd sveitarfélaganna, þarf ekki staðfestingu viðkomandi sveitarstjórnar.

Sveitarstjórnir og sýslunefndir fara með fyrirvar síns sveitarfélags, að því er varðar gerð sérkjarasamninga við starfsmenn sína. Heimilt er sveitarstjórn að fela Launanefnd sveitarfélaganna gerð sérkjarasamninga.

Samningsaðilar geta skipað nefnd til að annast samninga af sinni hendi.

Launanefnd sveitarfélaganna eða aðili, sem hún felur slíkt umboð, er heimilt að fela einstökum sveitarstjórnnum og sýslunefndum gerð aðalkjarasamnings, enda óski viðkomandi sveitarstjóri eftir slíku samningsumboði.

Ákveði sveitarstjórn eða sýslunefnd að afturkalla umboð sitt til Launanefndar til gerðar tiltekinna tegunda samninga, skal senda tilkynningu um það í ábyrgðarbréfi til stjórnar Launanefndar eigi síðar en 3 mánuðum áður en viðkomandi samningur rennur út.

3. mgr. 21. gr. reglugerðarinnar orðist svo:

Formaður Launanefndar sveitarfélaganna greiðir atkvæði fyrir hönd sveitar- og sýslufélaga að höfðu samráði við framkvæmdastjóra hlutaðeigandi sveitarfélaga. Fari sveitarstjórn með gerð aðalkjarasamnings, greiðir hlutaðeigandi borgar-, bæjar- eða sveitarstjóri atkvæði.

Reglugerð þessi sem sett er skv. 41. gr. laga nr. 29/1976 öðlast þegar gildi.

Félagsmálaráðuneytið, 21. febrúar 1986.

F. h. r.

Hallgrímur Dalberg.

Pórhildur Línadal.

REGLUGERÐ

um breyting á reglugerð nr. 145/1982, um launaskatt.

1. gr.

2. mgr. 14. gr. reglugerðarinnar orðist svo:

Þeim gjaldendum sem eigi greiða hærri laun að meðaltali til annarra á mánuði en 69 000 kr. á uppgjörstímabilinu er þó heimilt að skila greinargerð ásamt greiðslu á gjalddaga þess uppgjörstímabils þegar samanlögð greidd vinnulaun ná 690 000 kr. en eftir það á hverjum gjalddaga vegna þess árs. Ef greidd vinnulaun til annarra ná eigi 690 000 kr. á árinu er gjaldanda heimilt að skila greinargerð ásamt greiðslu einu sinni á ári eins og um uppgjör fyrir mánuðina nóvember og desember væri að ræða.

2. gr.

Reglugerð þessi, sem sett er samkvæmt heimild í 12. gr. laga nr. 14 15. mars 1965 með áorðnum breytingum, sbr. heimild í 3. mgr. 3. gr. nefndra laga, öðlast þegar gildi og kemur í fyrsta sinn til framkvæmda við greiðslu launaskatts fyrir fyrsta uppgjörstímabil 1986, sbr. 1. mgr. 3. gr. nefndra laga. Jafnframt fellur úr gildi reglugerð nr. 153/1985.

Fjármálaráðuneytið, 24. febrúar 1986.

F.h.r.

Lárus Ögmundsson.

Snorri Olsen.